



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 463 - 466. De bonis traditis in villis Holthus, Hwinni, Linthi, Aesibiki, Odighus, Gelighus Karlasthan, et Holthusan intra pagos Huuetigo, Agrotingun, Fleithi, Logne et Marungo.

**urn:nbn:de:hbz:466:1-36114**

## §. 462.

Tradidit herdaguf pro matre sua imman in *cathingbus* (a) iugera LX et II iurnalef.

et gubernante Corbeiam Walhohne.

## §. 463.

Tradidit uffā pro filiis sororis sue thadan et boson XXX iugera et I mancipium in *holtbus*. (b)

## §. 464.

(a) Villa *Cathingbus* erat sita in pago *Suilbergi*, teste Sarachone in Registro. In eadem regione, in qua olim pagus *Suilbergi* erat, hodie nullus existat vicus, qui maiorem similitudinem habeat cum villa *Cathingbus*, quam vicus *Conbusen* seu *Coensen*, cuius ecclesia est filia ecclesie in *Huldarsen*. Ipsa olim sita erat in comitatu *Dassel*. In Traditionibus *Fuldensibus* hic locus vocatur *Cbusinbuson*. Forſan hæc villa quoque adnumerata fuit bonis *Widikindeis*, quorum quædam in eadem regione fuerunt conspicua. Cum itaque *Herdegi* nomen inter *Widikindeos* dominos fuerit crebrum, propterea supra §. 104. not. (u) *Herdagum* ad stirpem *Widikindeam* retulimus.

(b) Villam *Holtbus* fuisse partem pagi *Huuetigo*, in Registro prodidit memorie *Saracho*. In ea supra (§. 293) *Rothardus* quidam vnam familiam tradidit. Ipsa est vel maior vel minor vicus *Holtbusen*, non procul a rupe *picarum* situs, quæ vulgo adpellari solet *Exterenſtein*. An vero bona, in hac villa tradita, ad *Uffonem*, seu potius ad maritum sororis suæ, spectarint, id ipsum, non liquet. Supra (§. 157) *Uffo* quidam pro fratre suo *Bosone* quædam tradidit, in eodem pago *Huuetigo* sita, ad *Drohem* villam, quæ a villa nostra *Holtbus* non procul abfuit. Hunc inter progenitores *Uffæ* eiusque nepotum *Bosonis* et *Thadan* extitisse, nobis probabile videtur. Fortasse sororius *Uffæ* erat *Herimannus*, qui in *Vita Meinweri* p. 535. num. 58. nominatur *Herimannus de Holtbusen*. An hi domini stirpis fuerint *Widikindeæ*, nullo cum quoquam liber certare pignore, siquidem id satis est incertum. Diploma *Heinrici* episcopi *Paderbornensis* (§. 293) adductum docet, *Imiconem*, *Ottomem* comitem ac *Bosiconem* fratres inter *Saxonie* nostræ nobiles relatos esse. Alioqui certe *Otto* dignitate comitis gauisus non fuisset. Ad progenitores *Bosiconis*, *Otonis* atque *Imiconis* spectasse *Thadan* et *Bosan*, *Bosiconis* nomen et villa *Holtbusen* nobis persuadere possunt. Quamvis enim vinculum eorum genealogicum certo nondum ostendere queamus, indicandum tamen id esse duximus, ut is, cui sunt subsidia historica, de eo cogitet. Fortassis futuro tempore plura in lucem prodibunt documenta, quibus hæc dicta lucem vel lucrari vel afferre poterunt. Atque, ut quædam ad hæc contemplanda porro adiungamus, supra §. 2 *Bosa* et *Benno* appellantur fratres; ac §. 3. tradit *Buto comes* quædam sita in pago *Huuetigo*; immo §. 26. memoratur quidam *Bozo* cum *Echerto*, probabiliter duce *Saxonie*, inter testes. Adde, quod §. 35. tradit quidam *Uffico* bona quædam in pago *Leri*, in quo familia *Widikindea* bona hereditaria tenuit; et §. 52 est *Uffo* quidam inter testes, cum in pago *Auga* quædam traderentur; nec non §. 62 quidam *Uffed* bona quædam, in eodem sita pago *Auga*, largitur; ac §. 92. *Uffo* inter testes apparet, cum quædam darentur in pago *Helli* *Saxonico*; quidam §. 100. *Uffico* bona tradit in pago *Wikanauelde* in villa *Cogarden*, in qua domini quidam e stirpe *Widikindea* quædam largiti sunt, reperitur §. 104 villa *Uffenleua*, ab *Uffone* quodam probabiliter ita dicta; quidam §. 157. *Luidolfus* appellatus est *Uffo* et frater *Bosonis*, ut distingueretur a *Luidolfo* duce *Saxonie*. Memoratur §. 159. *Boso*, et §. 161. *Bozo* cum *Uffone* inter testes apparet, cum quædam traderentur sita in pagis *Lengi* et *Auga*; porro §. 162. appellatur *Uffico* pater *Adi*, *Tadi* ac *Frederici*, qui bona tenuerunt in pago *Logne*; tum §. 192. testis est *Bozo* et §. 190. *Uffo*, cum quædam traderentur in pagis *Scotelingen* et *Thiadmelli*; tandem §. 197. reperitur

Ab anno  
1010 vi-  
que 1014  
regnante  
Heinri-  
co II.

## §. 464.

Brun clericus tradidit I. familiam in *huuini* alteram in *lin-  
thi* (c).

## §. 465.

Uolmar laicus tradidit pro se et pro coniuge sua . . . . .  
in *aeſibiki* (d) iugera L. et in *odighus* (e) et in *gelighus* (f)  
alia iugera L.

## §. 466.

Tradidit fiboldus laicus in *karlaſthan* (g) VII. mancipia et omnia  
que habuit in eodem loco.

tra-

tur villa *Uffenbus* sita in pago Logne, ab *Uffone* quodam probabiliter sic dicta. Accedit, quod §. 244. et 287. *Offo* inter testes obuius est, cum quaedam donarentur sita in pagis *Wetereiba*, *Hessi* et *Patherga*, et §. 280. tradit quaedam *Uffo*, pater *Godescalci*, in *Horohufen* in pago *Hessi* Saxonico. Memoratur §. 383. largiens quaedam in pago Logne *Biso* pro matre suo *Ricberg*. *Biso* autem et *Boso* vnum nomen est. Denique §. 395. appellatur *Bozo*, proximus *Aſici* atque *Ailberni*, qui erant e domo *Sommerſchenburgica* atque *Anhaltina* orti. Locus alius commemorat (§. 463) *Uffam*, nepotesque eius *Tbadan* et *Beson*, nec non bona, in pago *Huueigo* sita. Hos dominos cum familiis, tam *Widinkindea*, quam *Northeimensi*, genealogice non audemus copulare. Negotium illud potius relinquimus lectori perspicaci.

De villa  
Hwinni  
et Linthi  
in pago  
Agrotin-  
gun.

(c) Villæ *Hwinni* et *Linthi* ponuntur ab abbate nostro *Sarachone* in pagum *Agrotin-  
gun*. Hic existit inter fluuios *Hasam* atque *Emisam*, et circa oppidum *Mep-  
pian* in *Monasteriensi* episcopatu. Confer supra §. 202. Est villa *Hwinni*  
proinde *Wabu*, et *Linthi* est *Laten*, loca *Emslandia*, seu inferioris episcopa-  
tus *Monasteriensis*. De *Brunone* clerico vide supra §. 241.

De villa  
Aesibiki  
in pago  
Fleithi.

(d) Villam *Aesibiki* tribuit abbas *Saracho* in Registro pago *Fleithi*. *Esbeke*, prædium *Schottelianorum*, ad ripam *Leinæ* occidentalem supra *Alfeldam* positum, adnumerandum est pago *Aringen*. *Hatchesbeke*, *Aesbeke*, nunc *Hekenbeke*, vicus est præfecturæ *Gandersheim*, probe discernendus est 1) ab *Aesibiki* in marca *Sturmithi*, hodie dicta *Esbeck*, 2) ab *Esbeck* in præfectura *Lauenstein*, 3) ab *Eschenbeck* ad *Aaram* intra præfecturam *Eisenberg* in *Waldecensi* principatu: 4) ab *Esbeck* in principatu *Göttingensi* sub præfectura *Harste*: 5) ab *Esbeck* sub præfectura *Calvör* in Principatu *Wolferbuttelensi*: 6) ab *Esbecke* in *Landgraviatu Hasslo-Casselano* spectante ad castrum *Malsburg*, et 7) ab *Esbeck* in *Wolferbuttelensi* Principatu sub inspectione *Schöningensi*.

De villa  
Odighus  
in pago  
Logne.

(e) *Odighus* erat situm in pago *Logne*, *Sarachone* teste. *Oedessen* villa olim obuia fuit, dudum desolata, ad saltum *Sollinganum*. Est *Oeribusen* villa dioceseos seu iudicii *Lühnde* in principatu *Göttingensi*. Est *Oederbusen* locus præfecturæ *Fridland* in principatu eodem. Elige, cui dicas, tu mihi sola places.

De villa  
Gelighus  
in pago  
Logne.

(f) *Gelighus* itidem erat locus in pago *Logne* situs. *Gellejebusen* subest, locus tractus *Gleichenſis* in principatu *Göttingensi*, subiectus *Nobilibus*, de *Uslar* dictis, vassallis *Corbeienſibus*. De *Volmaro* egimus supra §. 104. not. (l).

De villa  
Karlaſ-  
han.

(g) Quonam in pago extiterit villa *Karlaſthan*, *Saracho* in Registro non refert. Nescimus ergo, quamam in regione hæc villa sit exquirenda. *Carolsteinium*, seu *Carlstein*, castrum, visitur in regno *Bohemix*. Sed quid nostris in *Bohemia*?

tradidit thiadhardus in *holtbusan* (h) . . . . . et gubernante Corbeiam Walhone.

§. 467.

Tradidit folchardus XXX iugera et I iurnalem in *adololdesbus* (i) pro coniuge suo Iuanebergh.

§. 468.

(h) *Holtbusan* villam fuisse in pago *Marungo*, abbas Saracho annotavit. Procul du- De villa bio designari intelligitur *Holtbusen* villa desolata, olim sita iuxta Snetinghusen in praefectura Moringen in principatu Göttingensi. De hac villa vide litteras *Holtbusan* in supra §. 437. et infra in Addendis num. 228, 229, 239, 263, et 264, addu- pago Marungo. Etas. De *Thiadhardo*, qui XL iugera et vnam familiam in eadem villa dona- uit, ut patet e Sarachonis Registro, vide §. 104. not. (l).

(i) Villa *Adololdesbus* sita erat, Sarachone teste, in pago *Hrittiga*. Videtur indicari De villa *Ablibusen*, vicus praefecturae Stauffenburg in Wolferbuttelensi principatu. Hic Adololdesbus in vicus probe discernendus est 1) ab *Albusen* in praefectura Hoja in comitatu in pago Hrittiga. Hojano, 2) ab *Albusen* in episcopatu Paderbornensi non procul a castro Dri- borg, 3) ab *Alenbusen* in pago Flothwitha, 4) in *Alesbusen* in Rhetica in comitatu Vehringen, 5) ab *Allenbusen*, seu Altenhausen in ducatu Magdeburgico, et 6) ab *Albusen* in episcopatu Osnabrugensi sub praefectura Furstenaui. De *Folchardo* non- nihil egimus supra §. 437, significantes, eum fuisse fratrem abbatis Corbeiensis *Wal- bonis*. Pietas ergo in fratrem impulit *Folchardum* ad haec bona Corbeiensis mo- nasterio tradenda, cui, quemadmodum ex haecenus dictis patet, bene praerat eius frater *Walbo*. Diu autem post haec praefuisse monasterio non videtur *Wal- bo*. Fortasse *Meinwercus* episcopus Paderbornensis verebatur, ne omnia sibi praeriperentur, animaduertens et in dies resciscens cum admiratione, magnis muneribus amicos et consanguineos suos exornare Abbatiam Corbeiensis. Hinc consilium cepit amouendi ac detrudendi *Walbonem*. Quodsi autem, iudice auctore Vita *Meinwerci* p. 539, in eo debita pastoris idonei sollicitudo consistit, atque eo pastor memoriam sui dignissimam dereliquit posteris, si multa praedia pre- cando et comparando acquirit atque utilitatibus ecclesiae suae addit; memoriam sui iucundam et sibi et nobis reliquit *Walbo*, certe haud dignus, qui de gradu suo deiceretur. Sed quod sibi *Meinwercus* laudi, id aliis crimini, duxit. Oc- casionem ergo sibi, aptam ad depellendum *Walbonem*, oblatam esse, putabat, cum ille sibi restitisset celebraturo missarum sollempnia in templo Corbeiensis. E Vita *Meinwerci* fit planum, fuisse hunc *Heinrico* regi familiarissimum, et paullo audacius cum eo egisse. Nihil ergo deerat illi ad detrudendum *Wal- bonem* ab abbatiati dignitate. De facti iniustitia iam supra egimus (§. 430). Mirum sane est, cum *Walbo* habuerit consanguineos et nobilissimos et ditissimos, illos hanc non auerisse vel propulisse iniuriam, *Walboni* imminentem et illatam. Sed telum repellere procul dubio non valuerunt. Atque ex eo momento discere licet, quanta *Meinwercus* excelluerit auctoritate apud caesarem *Heinricum*. Tem- pori ergo inseruiendum esse, putabant amici *Walbonis*, offensionem, *Meinwercus* intentatam, fore periculosam propter eius grauissimam auctoritatem, existimantes. Depositus ergo est *Walbo* gradu et fastigio suo ad annum 1014. Eodem an- no ab *Heinrico* rege surrogatus fuit *Waloni Drutmarus*, e *Laurisheimensi* mo- nasterio adscitus. Quod itaque mutare non poterant, id ferebant et Corbeien- ses nostri et nostri *Walbonis* amici patienter, regis *Heinrici* et *Meinwerci* ob- stante ipsis auctoritate. *Drutmarus*, ut in Chronico nostro MSpto adpellatur, quamuis se ipsum in diplomatibus appelleret *Trutmarum*, praefuit Corbeiae, eo- dem Chronico teste ab anno MXIV. usque ad annum MXLVI, quo obiit XV. Kal. Martii. Huius abbatis *Drutmari* in codice traditionum nostrarum mentio iniicitur infra (§. 484). Quilibet ergo facillime perspicere poterit, iam esse mutandam annorum configurationem, margini adiectam, et nouam inchoandam esse sectionem.

Cuius stirpis fuerit ille *Drutmarus*, e Chronico nostro MSpto et documentis coetaneis demonstrare non licet. Annales MSpti in Archiuo Corbeiensis, sed recentiores, eum ad gentem *Kroppenstedensem* referunt. Hinc etiam et nos in *Sciagraphia Historiae Corbeiensis* appellauimus illum comitem *de Kroppensted*, sperantes eo tempore, illud documentis fide dignis comprobatum iri. Quam- uis autem nullos comites, cognominatos *de Kroppensted*, usquam inueniamus, inser- uire